


Til:

abonmentane

Frå:

Språkrådet



Vil du kome i lovleg god språkform fram til språklova tek til å gjelde? Årets julegåve her på plakaten er nokre grunnleggjande reglar i nynorsk. Følgjer du desse reglane, lukar du ut ein stor del av dei vanlegaste feila!

## Forvaltningsord

### Litt likt eller heilt annleis?

Somme forvaltningsord på nynorsk liknar litt på bokmålsorda, medan andre er heilt annleis. Det er inga skam å slå opp i ordboka!

Av og til er det greitt å bruke ord som sluttar på *-heit*, men det finst ofte betre alternativ:

- kortare ord  
*teieplikt, omstende, løyve, vilkår*
- ord som endar på på *-dom, -leik, -skap*  
*fridom, tryggleik, heilskap*
- ord som endar på *-sem, -løyse*  
*verksemd, arbeidsløyse*

## Verb

### Bruk fortidstesten for å skilje mellom dei to vanlegaste verbklassane

Om du kladda ein e-post i går, så kladdar du han i dag.

Om du viste til ei sak i går, så viser du til ho i dag.

## Substantiv

### Hovudreglane for substantivbøying:

*ein rapport – rapporten – rapportar – rapportane*  
*ei sak – saka – saker – sakene*  
*eit dokument – dokumentet – dokument*  
*– dokumenta*

### Ingar-regelen

Både hokjønnsord og hankjønnsord som sluttar på *-ing*, får *-ar*-ending i fleirtal:

*ei stilling – stillinga – stillingar – stillingane*  
*ein lærling – lærlingen – lærlingar – lærlingane*

## Pronomen og eigeomsord

Bokmål: *dere – dere – deres*  
Nynorsk: *de – dykk – dykkar*  
eller *dokker – dokker – dokkar*

## Språkføring

### Ver konsekvent!

Fleire ord og bøyingsformer er valfrie i nynorsk, men du må vere konsekvent i bruken. Med mindre du følgjer reglane for kløyvd infinitiv, må du halde deg til éi ending i infinitiv, anten *-e* eller *-a*.

Kan du kalle meg inn til to møte for å diskutere og avgjere saka?

Kan du kalla meg inn til to møte for å diskutera og avgjera saka?

### Hugs alltid hjelpeverb om du bruker passiv!

Kongen personleg **kan** ikkje lastast eller skuldast for noko.

Alle nyhenda **blir** publiserte på nettsidene våre.

### Bruk s-genitiv mindre enn i bokmål!

Ofte er det lurt å skrive om:  
*byråets nettside* → *nettsida til byrået*  
*partiets program* → *partiprogrammet*

S-genitiv er greitt i særnamn:

*Støres regjering, Noregs forskingsråd*

God jul!